

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), a u vezi sa članom 52. stav (4) Zakona o izvršavanju Budžeta Zeničko-dobojskog kantona za 2025. godinu ("Službene novine Zeničko-dobojskog kantona", broj: 25/24, 6/25 i 12/25), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 114. sjednici, održanoj 23.01.2026. godine, d o n o s i

ZAKLJUČAK

I.

Usvaja se Izvještaj o izvršenju Programa utroška sredstava Ministarstva za prostorno uređenje, promet i komunikacije i zaštitu okoline, pozicija "Nabavka opreme – Izvor 10" Budžeta Zeničko-dobojskog kantona za 2025. godinu i čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/26

Datum, 23.01.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za prostorno uređenje, promet i
komunikacije i zaštitu okoline,

1x Ministarstvo finansija,

1x a/a.

**IZVJEŠTAJ O IZVRŠENJU
PROGRAMA UTROŠKA SREDSTAVA MINISTARSTVA ZA PROSTORNO UREĐENJE,
PROMET I KOMUNIKACIJE I ZAŠTITU OKOLINE,
POZICIJA “NABAVKA OPREME – IZVOR 10”
BUDŽETA ZENIČKO-DOBOJSKOG KANTONA ZA 2025. GODINU**

Odlukom Vlade Zeničko-dobojskog kantona broj: 02-11-3649/25 od 28.02.2025. godine, usvojen je Program utroška sredstava u razdjelu 19 - Ministarstvo za prostorno uređenje, promet i komunikacije i zaštitu okoline, budžetska organizacija 01, potrošačka jedinica 0001, ekonomski kod 821300, pozicija “Nabavka opreme – Izvor 10” Budžeta Zeničko-dobojskog kantona za 2025. godinu, u ukupnom iznosu od 50.000,00 KM.

Programom utroška sredstava planirano je proširenje materijalne osnove u vidu nabavke stalnih sredstava: kancelarijskog namještaja i opreme, informatičke opreme i klima uređaja za službene prostorije Ministarstva za prostorno uređenje, promet i komunikacije i zaštitu okoline.

U izvještajnom periodu provedeno je pet postupaka javne nabavke male vrijednosti, putem direktnih sporazuma i to za: nabavku tri računara, tri klima uređaja, kancelarijski namještaj po mjeri za kabinet ministra Ministarstva za prostorno uređenje, promet i komunikacije i zaštitu okoline, dva kartotečna metalna ormara i tridesettri kancelarijske stolice. Nakon, okončanih postupaka izabrani su najpovoljniji ponuđači i zaključeni su ugovori o isporuci robe. Sve ugovorene obaveze izvršene su u predviđenim rokovima. Za novonabavljenu opremu i namještaj, pribavljeni su inventarni brojevi od strane Službe za zajedničke poslove i sve je evidentirano u službenim knjigovodstvenim evidencijama u okviru stalnih sredstava.

Također, planirana nabavka ostalog kancelarijskog namještaja i opreme, zbog reorganizacije i rasporeda sjedenja državnih službenika i namještenika unutar službenih prostorija Ministrastva, prolongirana je za narednu budžetsku godinu.

Pregled utroška sredstava kapitalnih ulaganja za nabavku opreme u izvještajnom periodu I - XII/2025. godine, prikazan je u tabeli:

Redni broj	Naziv opreme	Planirana sredstva/ Budžet 2025 KM	Utrošena sredstva KM
1.	Kancelarijski namještaj i oprema:	36.000,00	11.853,70
	- Kancelarijski namještaj po mjeri za kabinet ministra,		6.650,00
	- Kartotečni metalni ormari,		1.099,80
	- Kancelarijske stolice.		4.103,90
2.	Informatička oprema (tri računara)	7.000,00	6.996,62
3.	Klima uređaji (tri klima uređaja)	7.000,00	3.074,76
	UKUPNO:	50.000,00	21.925,08